

Na osnovu člana 16.stav 4. Zakona o Vladi Zeničko-dobojskog kantona –Prečišćeni tekst (“Službene novine Zeničko-dobojskog kantona”, broj 7/10), a u skladu sa članom 36. i 51. Zakona o izvršenju Budžeta Zeničko-dobojskog kantona za 2015. godinu (“Službene novine Zeničko-dobojskog kantona”, broj: 2/15), Vlada Zeničko-dobojskog kantona, na prijedlog Ministarstva zdravstva na 13. sjednici, održanoj 04.06.2015. godine, d o n o s i

ZAKLJUČAK

o usvajanju Programa utroška sredstava na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija “Kapitalni transferi drugim nivoima vlasti-za zdravstvo” Budžeta Zeničko-dobojskog kantona za 2015. godinu

I.

Usvaja se Program utroška sredstava na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija “Kapitalni transferi drugim nivoima vlasti-za zdravstvo” Budžeta Zeničko-dobojskog kantona za 2015. godinu u iznosu od 2.600.000,00 KM (slovima: dvamilionaišeststotina konvertibilnih maraka), koji čini sastavni dio ovog zaključka.

II.

Sredstva planirana Budžetom Zeničko-dobojskog kantona za namjene predviđene ovim zaključkom realizovat će se isključivo u skladu sa realizacijom ostvarenih javnih prihoda u Budžetu Kantona, planiranih novčanih tokova Budžeta Kantona za pojedine mjesece, utvrđenih od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade odobre mjesečni operativni budžeti svim budžetskim korisnicima, osim u slučajevima odobrenih posebnim aktom Vlade.

III.

Zadužuju se Ministarstvo zdravstva i Ministarstvo finansija da realizuju ovaj zaključak svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/15.

Datum, 04.06.2015. godine

Zenica

PREMIJER

Miralem Galijašević

DOSTAVLJENO:

1x Ministarstvo zdravstva,

1x Ministarstvo finansija,

1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM
UTROŠKA BUDŽETSKIH SREDSTAVA NA RAZDJELU 21-
MINISTARSTVO ZDRAVSTVA, BUDŽETSKA ORGANIZACIJA 01,
POTROŠAČKA JEDINICA 0001, EKONOMSKI KOD 615100- POZICIJA
“KAPITALNI TRANSFERI DRUGIM NIVOIMA VLASTI- ZA ZDRAVSTVO”
BUDŽETA ZENIČKO-DOBOJSKOG KANTONA ZA 2015. GODINU**

Zenica, maj 2015. godine

U skladu sa odredbama člana 36. i 51. Zakona o izvršavanju Budžeta Zeničko-dobojskog kantona za 2015. godinu, («Službene novine Zeničko-dobojskog kantona», broj: 2/15), Ministarstvo zdravstva predlaže Vladi Kantona Program utroška sredstava na razdjelu 21, budžetskoj organizaciji 01, potrošačkoj jedinici 0001-Ministarstvo zdravstva, ekonomski kod 615100, Pozicija- **«Kapitalni transferi drugim nivoima vlasti-za zdravstvo»**.

Svrha Programa: Ovim programom utvrđuje se utrošak sredstava za kapitalne transfere u oblasti zdravstva.

Visina sredstava: 2.600.000,00 KM

Izvori sredstava: Budžet Zeničko-dobojskog kantona za 2015. godinu, razdjel 21, budžetska organizacija 01, potrošačka jedinica 0001- Ministarstvo zdravstva, ekonomski kod 615100, pozicija “Kapitalni transferi drugim nivoima vlasti-za zdravstvo”.

U skladu sa članom 13. Zakona o zdravstvenoj zaštiti (“Službene novine Federacije Bosne i Hercegovine”, broj: 46/10), Kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova, prostora, medicinske i nemedicinske opreme i prevoznih sredstava, te informatizaciju zdravstvene djelatnosti u skladu sa planom i programom mjera zdravstvene zaštite za područje kantona koji utvrđuje vlada kantona na prijedlog kantonalnog ministra.

Zbog izuzetno teške situacije u kojoj se nalazi JU Kantonalna bolnica Zenica, Ministarstvo zdravstva se opredijelilo da u 2015. godini planirana sredstva za kapitalne transfere za zdravstvo budu gotovo u cjelosti utrošena u funkciji stabilizacije stanja u ovoj zdravstvenoj ustanovi, kao i na realizaciju već započetih projekata u prethodnom periodu.

Potrošnja odobrenih sredstava podijeljena je u četiri cjeline:

- I. Refundacija troškova finansiranja ranije nabavljene opreme i investicionih ulaganja u iznosu 1.735.000,00 KM
- II. Nabavka opreme za JU Kantonalna bolnica Zenica u iznosu 770.000,00 KM
- III. Realizacija Sporazuma o zajedničkom finansiranju projekta izgradnje ambulate u Arnautima (fasada i vanjsko uređenje) u iznosu 60.000,00 KM
- IV. Ostale hitne i nepredviđene nabavke u iznosu 35.000,00 KM

I. Refundacija troškova finansiranja ranije nabavljene opreme i investicionih ulaganja

JU Kantonalna bolnica Zenica je već duži period suočena sa problemom izmirenja obaveza prema dobavljačima, zbog čega su u 2014. godini bili pokrenuti sudski sporovi, koji bi za posljedicu mogli imati blokadu žiro računa sudskim izvršenjima. Iz tog razloga planirana sredstva za kapitalne transfere će biti većim dijelom usmjerena na izmirenje obaveza za investiciona ulaganja i nabavku opreme izvršene u prethodnom periodu, dok će se nabavke nove opreme svesti na nivo neophodnih do iznalaženja drugih izvora finansiranja.

Ukupan iznos obaveza dospjelih za plaćanje po osnovu investicionog ulaganja i investicionog održavanja u JU Kantonalna bolnica Zenica iznosi **296.305,80 KM**.

Prema podacima JU Kantonalna bolnica Zenica od 17.04.2015. godine, ukupne obaveze prema dobavljačima za ranije nabavljenu opremu i hitne popravke iznose 1.436.076,64 KM, od čega je već dospjelo za naplatu 1.135.219,49 KM.

Dinamika transferisanja navedenih sredstava za JU Kantonalna bolnica Zenica zavisit će od procenta ostvarenja prihoda u budžetu, koje će utvrditi Ministarstvo finansija, nakon čega će Ministarstvo zdravstva predložiti Vladi Zeničko-dobojskog kantona Odluku kojom će biti precizirane obaveze koje se izmiruju po svakom pojedinačnom ugovoru.

Nakon transferisanja sredstava, JU Kantonalna bolnica Zenica će Ministarstvu zdravstva dostaviti dokaze o izmirenju obaveza po svakom pojedinačnom ugovoru.

II. Nabavka opreme za JU Kantonalna bolnica Zenica

Vlada Zeničko-dobojskog kantona je 19.12.2013. godine donijela Odluku o odobravanju sredstava za nabavku opreme JU Kantonalna bolnica Zenica u skladu sa Odlukom Upravnog odbora JU Kantonalna bolnica Zenica broj: 20/1-8316/1 od 04.12.2013. godine. U skladu sa članom 3. Odluke je navedeno da će nabavke izvršiti JU Kantonalna bolnica Zenica u skladu sa Zakonom o javnim nabavkama, a da će se realizacija zaključenih ugovora vršiti putem Ministarstva zdravstva.

Po navedenoj odluci troškovi Budžeta Zeničko-dobojskog kantona za 2014. godinu su iznosili 300.353,14 KM.

Do usvajanja Budžeta Zeničko-dobojskog kantona za 2015. godinu realizovana je nabavka autoclava za brzu sterilizaciju za operacione sale u Službi za hirurške bolesti i Službi za urološke bolesti od dobavljača "Farma biomedical" d.o.o. Sarajevo (iznos od 7.417,80 KM) i ista tereti troškove ove godine.

Odluka o odobrenju sredstava za nabavku opreme, u dijelu u kojem nije realizovana, će teretiti troškove Budžeta Zeničko-dobojskog kantona za 2015. godinu i to za slijedeće namjene:

Vrsta opreme	Orijentaciona vrijednost
Aparat za anesteziju -6 kom	400.000,00 KM
Ultrazvučni aparat -4 kom	205.000,00 KM
Sanitetsko vozilo sa opremom -1 kom	70.000,00 KM
Aparat za čuvanje koncentrata trombocita -1 kom	16.000,00 KM
Ostala medicinska oprema	71.229,06 KM
UKUPNO	762.229,06 KM

Ukoliko se pri nabavci opreme ostvare eventualne uštede u odnosu na planirana sredstva, Upravni odbor JU Kantonalna bolnica će utvrditi vrstu opreme koja će biti predmet nabavke u okviru odobrenih sredstava.

III. Realizacija Sporazuma o zajedničkom finansiranju projekta izgradnje ambulate u Arnautima (fasada i vanjsko uređenje)

Sporazumom o zajedničkom finansiranju projekta izgradnje ambulate u Arnautima, koji su potpisali Ministarstvo zdravstva Zeničko-dobojskog kantona, Općina Zenica i JU Dom zdravlja Zenica, potpisnici su se obvezali da će učestvovati u zajedničkom finansiranju projekta izgradnje ambulate u Arnautima (fasada i vanjsko uređenje) za potrebe stanovnika MZ Arnauti, Babino, Puhovac, Varda, kao i stanovnika koji gravitiraju MZ Hrastovac i Slivanj. Projicirana vrijednost ugovorenih radova je cca 150.000,00 KM bez PDV-a, s tim da će Ministarstvo zdravstva učestvovati sa 40%, Općina Zenica sa 40% i JU Dom zdravlja sa 20%. Ugovor za izvođenje radova sa odabranim ponuđačem potpisuje JU Dom zdravlja Zenica, a računi se prefakturišu potpisnicima Sporazuma u skladu sa procentom učešća.

Troškovi Budžeta Zeničko-dobojskog kantona u 2014. godini po ovom osnovu su iznosili 10.549,55 KM po I privremenoj situaciji izvođača radova "Grifon"d.o.o.

U skladu sa Sporazumom planirani troškovi za realizaciju po ovom osnovu u 2015. godini iznose 60.000,00 KM.

IV. Ostale hitne i nepredviđene nabavke u iznosu 35.000,00 KM.

Broj: 02- /15.

Datum, 04.06.2015. godine
Zenica

PREMIJER

Miralem Galijašević

DOSTAVLJENO:

1x Ministarstvo zdravstva,

1x Ministarstvo finansija,

1x a/a.